

**ZAPISNIK**  
**sa 8. vanredne elektronske sjednice Upravnog odbora**  
**Univerziteta u Tuzli održane 15.06.2022.godine**

Zbog hitnosti u postupanju, organizirana je 8. vanredna elektronska sjednica Upravnog odbora na dan 15.06.2022. godine.

Članovima Upravnog odbora je dostavljen prijedlog dnevnog reda i to:

**DNEVNI RED:**

1. Donošenje Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
2. Donošenje Odluke o izmjenama Odluke o usvajanju Plana nabavki Univerziteta u Tuzli za 2022. godinu.

Elektronskim putem, članovima Upravnog odbora dostavljeni su prijedlozi odluka po svakoj tački dnevnog reda.

U radu sjednice učestvovali su predsjednik Upravnog odbora dr. sci. Semir Ahmetbegović, vanr.prof., te članovi: Suad Hasanović, Amela Dedić, dr. sci. Kenan Mandžić, red. prof. dr. sci. Anita Petrović, vanr. prof. i dr. sci. Franc Andrejaš, vanr. prof., koji su se elektronskim putem sa svoje e-mail adrese, izjasnili „za“ po svim tačkama dnevnog reda.

Prilog ovom Zapisniku čini ispis poruka elektronske pošte članova Upravnog odbora.

**TAČKA 1.**

**Donošenje Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine**

Za donošenje Odluke po tački 1 dnevnog reda, glasalo je ukupno 6 članova, čime je Upravni odbor većinom glasova, donio

**O D L U K U**

**o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine**

**Studenti državljeni Bosne i Hercegovine**

**Član 1.**

Redovan student prvog i integriranog prvog i drugog ciklusa studija, koji se finansira iz Budžeta TK i koji nema status zaposlenog lica, od akademske 2022/23. godine plaća participaciju u troškovima studija u visini od 100,00 KM po semestru.

Izuzetno od odredbe člana 1. stav (1) ove Odluke, redovni student prvog i integriranog prvog i drugog ciklusa studija Univerziteta u Tuzli koji u tekućoj akademskoj godini položi sve ispite utvrđene Nastavnim planom i ostvari prosječnu ocjenu 9,00 i više, pri upisu u narednu godinu studija plaća participaciju u troškovima studija u visini od 50 % utvrđenog iznosa participacije.

### Član 2.

Redovni student prvog i integriranog prvog i drugog ciklusa studija koji se sam finansira, a prvi puta upisuje prvu studijsku godinu u akademskoj 2022/23. godini plaća školarinu u iznosima kako slijedi:

- 900,00 KM po semestru na Akademiji dramskih umjetnosti, Medicinskom fakultetu i Odsjeku zdravstvenih studija Medicinskog fakulteta,
- 750,00 KM po semestru na Fakultetu elektrotehnike (Elektrotehnika i računarstvo), Farmaceutskom fakultetu, Mašinskom fakultetu, Prirodno-matematičkom fakultetu, Rudarsko-geološko-građevinskom fakultetu i Tehnološkom fakultetu,
- 600,00 KM po semestru na Edukacijsko-rehabilitacijskom fakultetu, Ekonomskom fakultetu, Fakultetu za tjelesni odgoj i sport, Fakultetu elektrotehnike (Tehnički odgoj i informatika), Filozofskom fakultetu i Pravnom fakultetu.

### Član 3.

Redovni student koji je stekao status studenta prve godine u prethodnim akademskim godinama, a koji se sam finansira, pri upisu naredne godine studija plaća školarinu u skladu sa zakonom, Statutom i ovom Odlukom.

### Član 4.

Student prvog ciklusa studija koji se sam finansira, a prvi puta upisuje studijsku godinu na studijske programe fakulteta Univerziteta na kojima se nastava organizuje kao vanredni studij (studij uz rad) plaća školarinu u iznosu od 750,00 KM po semestru počev od akademske 2022/23. godine.

## Studenti strani državljani i lica bez državljanstva

### Član 5.

Strani državljanin i lica bez državljanstva koji se upiše u statusu redovnog studenta, participirat će u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.070	2.070	2.070	2.070		
2.	Tehničke nauke	2.070	2.070	2.070	2.070		
3.	Biomedicina i zdravstvo	2.484	2.484	2.484	2.484	2.484	2.484
4.	Biotehničke nauke	2.070	2.070	2.070	2.070		
5.	Društvene nauke	1.656	1.656	1.656	1.656		
6.	Humanističke nauke	1.656	1.656	1.656	1.656		
6.1	Humanističke nauke- Akademija dramskih umjetnosti, odsjek Gluma i Produkcija	2.484	2.484	2.484	2.484		

Strani državljanin i lica bez državljanstva koji se upiše u statusu studenta koji se sam finansira ili u statusu varednog studenta participirat će u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.484	2.484	2.484	2.484		
2.	Tehničke nauke	2.484	2.484	2.484	2.484		
3.	Biomedicina i zdravstvo	2.980	2.980	2.980	2.980	2.980	2.980
4.	Biotehničke nauke	2.484	2.484	2.484	2.484		
5.	Društvene nauke	1.987	1.987	1.987	1.987		

6.	Humanističke nauke	1.987	1.987	1.987	1.987		
6.1	Humanističke nauke- Akademija dramskih umjetnosti, odsjek Gluma i Produkcija	2.980	2.980	2.980	2.980		

Student strani državljanin i lica bez državljanstva utvrđeni iznos školarine plaća pri prvom upisu u svaku studijsku godinu i to u dvije rate, prilikom upisa u svaki semestar.

#### Član 6.

**Student drugog ciklusa studija** (državljanin BiH, strani državljanin i lice bez državljanstva), za studijske programe u trajanju od jedne akademske godine plaćaju školarinu u visini od 2.400,00 KM, a studenti studijskih programa u trajanju od dvije akademske godine, plaćaju školarinu u iznosu od 2.400,00 KM po studijskoj godini.

Izuzetno od odredbe stava (1) ovog člana, tri prvorangirana kandidata na konačnoj rang listi za upis na studijski program „Ekomonitoring i bioindikacija voda“ Prirodno-matematičkog fakulteta proizašao iz Erasmus + Project No ECOBIAS \_609967-EPP-1-2019-1-RS-EPPKA2-CBHE-JP Development of master curricula in ecological monitoring and aquatic bioassessment for Western Balkans HEIs, u akademskoj 2022/23. godini, ne plaćaju školarinu.

#### Član 7.

**Student trećeg ciklusa studija** (državljanin BiH, strani državljanin i lice bez državljanstva), upisan u akademskoj 2022/23. godini, plaća školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom fakultetu, Ekonomskom fakultetu, Farmaceutskom fakultetu, Medicinskom fakultetu, Pravnom fakultetu, Prirodno-matematičkom fakultetu, Rudarsko-geološko-građevinskom fakultetu, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,
- 14.000,00 KM na Fakultetu elektrotehnike i Mašinskom fakultetu.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, a u skladu sa odlukom nadležnog organa.

#### Član 8.

Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu apsoluta prilikom upisa u akademsku godinu plaća premiju osiguranja u iznosu od 4,00 (četiri) KM za akademsku godinu.

Student iz stava (1) ovog člana, plaća i naknadu za elektronsku prijavu ispita u iznosu od 7,50 KM za akademsku godinu.

Redovni student prvog i integriranog prvog i drugog ciklusa studija državljanin BiH, koji se finansira iz Budžeta TK i redovni student koji se sam finansira, a pripada kategoriji lica iz člana 100. Zakona o socijalnoj zaštiti, zaštiti civilnih žrtava rata i zaštiti porodice s djecom- prečišćeni tekst ("Službene novine TK" broj: 5/12, 7/14, 11/15, 13/16, 4/18, 12/20 i 8/22), u akademskoj 2022/23. godini plaća 50% iznosa participacije, odnosno 50% iznosa školarine utvrđenih ovom Odlukom.

#### Član 9.

Sredstva koja Univerzitet ostvari primjenom ove Odluke uplaćivat će se na depozitni račun javnih prihoda Budžeta Kantona.

## Član 10.

Ova Odluka će se primjenjivati počev od akademske 2022/23. godine.

### TAČKA 2.

#### Donošenje Odluke o izmjenama Odluke o usvajanju Plana nabavki Univerziteta u Tuzli za 2022. godinu.

Za donošenje Odluke po tački 2. dnevog reda, glasalo je ukupno 6 članova, čime je Upravni odbor većinom glasova, donio

### ODLUKU

o izmjenama Odluke o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine, Odluke o izmjeni Odluke o usvajanju Plana nabavki Univerziteta u Tuzli za 2022. godinu broj: 04-1833-1-4/22 od 06.04.2022. godine, Odluke o izmjeni Odluke o usvajanju Plana nabavki Univerziteta u Tuzli za 2022. godinu broj: 04-2352-1-10/22 od 27.04.2022. godine i Odluke o izmjeni Odluke o usvajanju Plana nabavki Univerziteta u Tuzli za 2022. godinu broj: 04-2730-1-5/22 od 27.05.2022. godine

### I

U tački I Odluke o usvajanju Plana nabavki Univerziteta u Tuzli za 2022. godinu broj:04-954-1-5/22 od 23.02.2022. godine, Odluke o izmjeni Odluke o usvajanju Plana nabavki Univerziteta u Tuzli za 2022. godinu broj: 04-1833-1-4/22 od 06.04.2022. godine, Odluke o izmjeni Odluke o usvajanju Plana nabavki Univerziteta u Tuzli za 2022. godinu broj: 04-2352-1-10/22 od 27.04.2022. godine i Odluke o izmjeni Odluke o usvajanju Plana nabavki Univerziteta u Tuzli za 2022. godinu broj: 04-2730-1-5/22 od 27.05.2022. godine **mijenja se iznos nabavke pod rednim brojem 1., dodaju se nabavka pod rednim brojem 32.1 i 94.1 i glase :**

R. br	Fakultet/org.jed inica	Ekonomski kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Nap..
1.	2	3.	4	5.	6.	7.	8.	9.	10.	11.
1	UNIV	6131	Usluge aviotransporta (avio karte)		4.000,00	28.000,00	32.000,00	Konkurentski zahtjev za dostavu ponuda	60400000-2	
32.1	UNIV	6136	Usluge iznajmljivanja kopir aparata		6.000,00		6.000,00	Direktni sporazum	98390000-3	
94.1	UNIV	6139	Sistematski pregled radnika Univerziteta u Tuzli		1.500,00		1.500,00	Anex II dio B	85140000-2	

### II

U koloni 6 – Vlastiti prihodi, koloni 7 - Primljeni tekući transferi i donacije i koloni 8 - Ukupno mijenjaju se ukupni iznosi na ekonomskom kodu 6131 i iznose: 4.000,00 (kolona 6), 28.000,00 (kolona 7) i 32.000,00 KM bez PDV (kolona 8)

U koloni 6 – Vlastiti prihodi i koloni 8 -Ukupno mijenjaju se ukupni iznosi na ekonomskom kodu 6136 i iznose 16.500,00 (kolona 6) i 16.500,00 KM bez PDV (kolona 8)

U koloni 6 – Vlastiti prihodi i koloni 8 -Ukupno mijenjaju se ukupni iznosi na ekonomskom kodu 6139 i iznose 290.800,00 (kolona 6) i 318.641,00 KM bez PDV (kolona 8)

U koloni 6 – Vlastiti prihodi, koloni 7- Primljeni tekući transferi i donacije i koloni 8- Ukupno mijenjaju se ukupni iznosi Plana nabavki za 2022. godinu i iznose: 2.989.145,00 bez PDV (kolona 6), 604.725,40 (kolona 7) i 3.761.370,40 KM bez PDV (kolona 8).

### III

U ostalom dijelu Odluka o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine, Odluka o izmjeni Odluke o usvajanju Plana nabavki Univerziteta u Tuzli za 2022. godinu broj: 04-1833-1-4/22 od 06.04.2022. godine, Odluka o izmjeni Odluke o usvajanju Plana nabavki Univerziteta u Tuzli za 2022. godinu broj: 04-2352-1-10/22 od 27.04.2022. godine i Odluka o izmjeni Odluke o usvajanju Plana nabavki Univerziteta u Tuzli za 2022. godinu broj: 04-2730-1-5/22 od 27.05.2022. godine ostaju nepromijenjene.

### Obrazloženje

Odjeljenje javnih nabavki i investicija je dostavilo Prijedlog sa obrazloženjem da je neophodno provesti hitnu javnu nabavku kopir aparata jer postojeći nije moguće servisirati zbog zastarjelosti istog.

Nadalje, u obrazloženju za izmjenju Plana nabavki za 2022. godinu navodi se da je dostavljeno obrazloženje dakana Fakulteta elektrotehnike u kojem se navodi da je neophodno hitno nabaviti kopir aparat jer se bliže redovni ispiti i kvalifikacioni ipit.

Zahtjev dekana Fakulteta elektrotehnike je razmotren i Odjeljenje javnih nabavki je predložilo da se Plan nabavki Univerziteta u Tuzli za 2022. godinu dopuni stavkom - Usluge unajmljivanja kopir aparata.

Nadalje, Odjeljenje javnih nabavki je obrazložilo da je neophodno izvršiti povećanje na uslugama avio transporta iz razloga što su povećani zahtjevi za nabavku avio karti nastavnika koji su angažovani na inostranim projektima te se i nabavke avio karti finansiraju iz sredstava ino projekta. Takođe, došlo je i do značajnog povećanja cijena usluga avio transporta.

Zahtjev za dopunu Plana nabavki u dijelu - Sistematski pregled radnika Univerziteta u Tuzli, Odjeljenju javnih nabavki je dostavljen Prijedlog od Službe za pravne, kadrovske i opšte poslove u kojem je navedeno da je nophodno planirati obavezni sistematski pregled radnika koji zbog objektivnih razloga nisu isti završili u prošloj godini.

Zbog svega naprijed navedenog odlučeno je kao u dispozitivu ove Odluke.

### ZAPISNIK SAČINIO

Ahmo Muhić, dipl.pravnik

UNIVERZITET U TUZLI  
Broj: 04-3305-1/22  
Tuzla, 15.06.2022. godine

PREDSJEDNIK  
UPRAVNOG ODBORA:

Dr. sci. Semir Ahmetbegović, vanr. prof.

